

	Broj dokumenta	JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO ЈУ ЗАВОД ЗА ЗДРАВСТВЕНУ ЗАШТИТУ ЖЕНА И МАТЕРИНСТВА КАНТОНА САРАЈЕВО	Komisija za kvalitet
	Datum odobrenja/ usvajanja		
	10-1311-01/21 08. 07. 2021.	POLITIKE I PROCEDURE UPRAVLJANJE LJUDSKIM RESURSIMA Kriterij: S-3.66	Revizija se vrši svake 3 godine ili po potrebi ranije

PROCEDURA KOJOM SE UTVRĐUJU ELEMENTI ZA OGRANIČAVANJE ODGOVORNOSTI LIJEČNIKA ILI POTPUNO ODUZIMANJE PRAVA NA OBAVLJANJE PRAKSE	Verzija:
	Ukupno str. 3

1. OPŠTA IZJAVA O POLITICI

Dužnosti ljekara kao članova Komore, utvrđene su Zakonom, Statutom, Kodeksom medicinske etike i deontologije i pravilima struke.

Za svako suprotno, od liječnika, djelovanje, postoji mogućnost pokretanja postupka za utvrđivanje elemenata odgovornosti, sa ciljem ograničavanja ili potpunog oduzimanja prava na obavljanje prakse odgovornog liječnika.

2. PODRUČJE PRIMJENE

Svi lokaliteti Zavoda.

3. DISTRIBUCIJA I NADZOR

Ova procedura mora biti dostupna svim članovima osoblja, dok na izričit zahtjev, dostupna je i pacijentima / korisnicima usluga.

Odgovorni ljekari lokaliteta su obavezni da sa ovom procedurom upoznaju osoblje.

4. PROCEDURA

Liječnik koji povrijedi odredbe Zakona o liječništvu ili odredbe Kodeksa medicinske etike i deontologije Komore, čiji je član, može biti subjekt postupka na koncu kojeg mu se može ograničiti odgovornost ili potpuno oduzeti pravo na obavljanje prakse.

Ljekar može biti subjekat postupka pred Komorom, samo ako je njen član, bez obzira na mjesto učinjenja povrede, i to ako:

- Povrijedi odredbe Zakona o liječništvu,
- Povrijedi odredbe Kodeksa medicinske etike i deontologije Komore,
- Obavlja nestručno ljekarsku profesiju,
- Svojim ponašanjem prema pacijentu, drugom ljekaru ili trećim osobama povrijedi ugled ljekarske profesije,
- Ne ispunjava Statutom ili drugim općim aktom određene članske obaveze prema Komori.

Postoji mogućnost da o odgovornosti liječnika bude odlučeno u drugoj vrsti postupka, parničnom ili krivičnom.

U tom slučaju, ako je liječnik proglašen krivim za počinjenje krivičnog djela protiv zdravlja ljudi, krivičnog djela podmićivanja i krivičnog djela protiv službene i druge odgovornosti, može se, s obzirom na važnost i prirodu ugroženog dobra ili druge posljedice, te s obzirom na okolnosti pod kojima je radnja izvršena, odnosno propuštena, smatrati nedostojnim za obavljanje poslova ljekarske struke, o čemu odluku donosi Sud Komore.

4.1 Pokretanje postupka za utvrđivanje odgovornosti liječnika

Postupak se pokreće na zahtjev pacijenta, odnosno osobe koja ima pravni interes, tužitelja, predsjednika Komore ili predsjednika skupštine Komore, na prijedlog člana Komore ili drugih tijela Komore te na zahtjev Ministarstva zdravstva Sarajevskog kantona.

Zahtjev za pokretanje postupka dostavlja se komisiji Komore, osim u slučajevima kada se želi pokrenuti postupak utvrđivanje nedostojnosti ljekara. U drugom slučaju, zahtjev se podnosi sudu Komore.

4.2 Zahtjev za pokretanje postupka

Zahtjev za pokretanje postupka mora biti u pisanom obliku te sadržavati sljedeće podatke:

1. Naznaku da se zahtjev podnosi Komisiji Komore,
2. Ime i prezime ljekara protiv kojeg se pokreće postupak,
3. Podatke o zaposlenju prijavljenog ljekara,
4. Ime i prezime, odnosno naziv podnosioca zahtjeva,
5. Tok pružanja zdravstvene usluge koja je prethodila događaju zbog kojeg se podnosi zahtjev (činjenični opis),
6. Vrijeme i mjesto izvršenja povrede te ostale okolnosti koje su potrebne da se povreda što tačnije odredi,
7. Opis / naziv povrede koja se prijavljenom ljekaru stavlja na teret,
8. Dokaze iz kojih proizlazi osnovanost navoda iz zahtjeva za pokretanje postupka, uz navođenje imena svjedoka i vještaka, spisa koje treba pregledati (medicinska dokumentacija) te predmeta koji mogu poslužiti kao dokaz.

Zahtjev za pokretanje postupka za utvrđivanje nedostojnosti ljekara se također podnosi u pisanom obliku, sa elementima iz prethodnog stava, od broja 1-4, navodeći i sljedeće podatke:

- Naznaku da se zahtjev podnosi Sudu Komore,
- Ime i prezime ljekara protiv kojeg se pokreće postupak za utvrđivanje nedostojnosti,
- Podatke o zaposlenju prijavljenog ljekara,
- Ime i prezime, odnosno naziv podnosioca zahtjeva,
- Naziv suda koji je donio pravosnažnu, osuđujuću, krivičnu presudu, broj presude te naziv krivičnog djela za koje je ljekar proglašen krivim,
- Fotokopiju pravosnažne krivične presude.

4.3 Vrste odluka koje se donose u postupcima

U postupku se donose odluke, rješenja, nalozi i zaključci.

Odluke donosi samo Sud Komore, a rješenja, naloge i zaključke donose i Sud i druga tijela koja učestvuju u disciplinskom postupku ili postupaju u vezi sa istim.

Odlukom se zahtjev za pokretanje disciplinskog postupka odbija ili se ljekar oslobađa odgovornosti ili se proglašava odgovornim.

5. REVIZIJA

Revizija ove procedure se vrši svake treće godine.

*Dokument je vlasništvo JU Zavoda za zdravstvenu zaštitu žena i materinstva Kantona Sarajevo.
Ne smije se kopirati, preštamovati niti umnožavati na bilo koji drugi način.*

Izradio/la	Saglasnost I	Saglasnost II	Odobrenje	Revizija	
stručni saradnik za OPKP	Stručno vijeće Zavoda	Koordinator- menadžer kvaliteta	Direktor	Datum odobrenja/ usvajanja	Br. Revizije
					
Mirela Čolpa, dipl.pravnik	Mr.med.sci.dr. Mahira Durić	Akir Šišić, dipl.pravnik	Mr.sci.med.dr. Enis Hasanović		

